



Federal Republic of Somalia
Ministry of Interior and Federal Affairs

Cadaado, 20 ka May 2016

WAR-MURTIYEED

Wasaaradda Arrimaha Gudaha iyo Federaalka, Wasaaradaha Arrimaha Gudaha ee Dowlad Goboleedyada, iyo Maamullada dhismaya (Banaadir, Hiiraan iyo Shabeellaha Dhexe) waxay si weyn ugu faraxsan yihiin, in si habboon uu u qabsomay Kulan Wadatashi ah oo ku saabsanaa Qorshe Howledka Dowladaha Hoose (Wadajir). Kulan Howledkaan ayaa ahaa kii seddexaad ee noociisa ah lagu qabtay magaalada Cadaado intii u dhexaysay 16 - 19 May, 2016.

Shirku wuxuu si gaar ah ugu mahad celinayaa Wasaaradda Arrimaha Gudaha iyo Dowladaha Hoose ee Dowlad Goboleedka Galmudug oo marti gelisay shirka. Sidoo kale wuxuu bogaadinayaa kasoo qayb galka dhammaan wufuudda kala duwan ee shirka yimid.

Kulankan oo socday muddo afar maalmood ah waxaa ka soo baxay qodobada hoos ku qoran:

1. Waxaa la sameeyay gole ka kooban toddoba xubnood oo kala ah: Wasaaradda Arrimaha Gudaha iyo Federaalka, Wasaaradaha Arrimaha Gudaha ee Dowlad Goboleedyada iyo Maamullada Dhismaya.
2. Goluhu in uu noqdo madal ay ku wada tashadaan kuna lafaguraan horumarka iyo shaqooyinka ay wadaagaan hay'adaha sare ku xusan.
3. Goluhu wuxuu mas'uul ka yahay qorshaynta, hoggaaminta iyo kormeerka hanaanka wadajir.
4. Waxaa la qeexay laguna heshiiyay Waajibaadka iyo mas'uuliyadaha madasha.
5. Waxaa lagu heshiiyay In Dowlad-Goboleedyada ay mas'uul ka yihiin Sameynta Dowladaha hoose.
6. Waxa lagu heshiiyay marka xasilinta la samaynayo in degmooyinka la isku raaciyo sida ay isugu dhaw yihiin (Clustering approach).
7. Waxaa lagu heshiiyey in la xoojiyo xiriirka Wasaaradda Arrimaha Gudaha iyo Federaalka iyo Wasaaradaha Arrimaha Gudaha ee Dowlad Goboleedyada iyo Maamullada dhismaya (Banaadir, Hiiraan iyo Shabeellaha Dhexe).
8. Wasaaradda Arrimaha Gudaha iyo Federaalka waa in ay xil iska saartaa sidii dhaqaale loogu heli lahaa Hannaanka Wadajir ee Dawladaha Hoose.
9. Waxaa lagu heshiiyey in barnaamijka Wadajir uu noqdo hannaanka loo adeegsanayo dibu-heshiisiinta, wada hadalka bulshada, mashaariicda bulshada iyo dhismaha goleyaasha deeganka.
10. Buugga Hannaanka Wadajir waxa la marsiiyay akhrinta ugu dambaysay, si wadajir ah ayaana loo ansixiyay.

DHAMAAD